



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Isnin, 28 Februari 2022	
1.	Siasat 20 anjing liar mati diracun
2.	Bekalan ayam, telur kurang
3.	Animal shelters in dire need of funds from the public
4.	Angkasa kerjasama ternak biri-biri
5.	KPDNHEP siasat telur, ayam kurang di Kota Tinggi
6.	Polis siasat dakwaan 20 anjing liar mati diracun di Tasik Cermin

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Siasat 20 anjing liar mati diracun

Ipoh: Polis sedang menjalankan siasatan berhubung dakwaan kematian kira-kira 20 anjing liar dipercayai diracun di kawasan Tasik Cermin di sini kelmarin.

Ketua Polis Daerah Ipoh Asisten Komisioner Yahaya Hassan berkata pihaknya menerima laporan daripada seorang warga emas berusia 60 tahun di Balai Polis Kampung Rapat di sini pada kira-kira 3.38 petang.

“Pengadu mendakwa dia selalu memberi makan kepada anjing-anjing itu dan mendapat maklumat kematian haiwan berkenaan sebelum membuat laporan kerana tidak berpuas hati terhadap pihak berkuasa tempatan yang dikatakan menanam bangkai anjing berkenaan tanpa merujuk Jabatan Veterinar,” katanya ketika dihubungi di sini, semalam.

Beliau berkata kes juga telah dirujuk kepada pihak Majlis Bandaraya Ipoh (MBI) bagi siasatan lanjut.

Kelmarin kerajaan Perak menafikan dakwaan kematian anjing liar dipercayai diracun di kawasan Tasik Cermin di sini dilakukan pekerja MBI.

Pengerusi Jawatankuasa Perumahan, Kerajaan Tempatan dan Pelancongan Perak Datuk Nolee Ashilin Mohammed Radzi dilaporkan berkata kematian anjing liar itu difahamkan dilakukan oleh individu lain.

Katanya, pekerja MBI yang datang ke lokasi kejadian hanya membantu mengalihkan bangkai haiwan berkenaan.

Terdahulu tular beberapa gambar menunjukkan beberapa ekor anjing mati berhampiran Tasik Cermin yang dipercayai diracun.

TARIKH	MEDIA	RUANGAN	MUKA SURAT
28.2.2022	HARIAN METRO	LOKAL	22

Bekalan ayam, telur kurang

Johor Bahru: Kementerian Perdagangan Dalam Negeri dan Hal Ehwal Pengguna (KPDNHEP) Johor akan menyiasat aduan pengguna berkaitan kekurangan bekalan telur dan ayam Kota Tinggi, dekat sini, sejak dua minggu lalu.

Timbalan Ketua Setiausaha (Pendayaupayaan Pengguna) KPDNHEP, Datin Roszanina Wahab berkata, bahagian penguatkuasaan akan melakukan pemeriksaan bagi mengenal pasti punca masalah berkenaan.

Beliau berkata, sepatutnya bekalan telur dan ayam tiada masalah di Johor sehingga Jun ini kerana dijamin mencukupi.

"Namun begitu kita akan lakukan siasatan berkaitan aduan itu termasuk pemeriksaan harga," katanya ke-

» INFO

Setakat ini pengunjung yang membanjiri PKJM di Johor melebihi 150,000 orang dengan jumlah jualan mencecah RM2.3 juta.

pada pemberita selepas melakukan tinjauan Program Jualan Keluarga Malaysia (PJKM) Parlimen Johor Bahru di Pangsapuri Desa Dato' Hajah Hasnah, Kampung Tok Siak di sini, semalam.

Hadir sama, Pengarah KPDNHEP Johor, Mohd Hairul Anuar Bohro.

Sementara itu, berkaitan PJKM, beliau berkata, program itu dilaksanakan di 126 lokasi di semua 26 kawasan Parlimen di negeri ini dalam

usaha membantu rakyat mengurangkan kos sara hidup susulan kenaikan harga barang keperluan harian.

Beliau berkata, setakat ini pengunjung yang membanjiri PKJM di negeri ini melebihi 150,000 orang dengan jumlah jualan mencecah RM2.3 juta.

"Daripada maklum balas yang diterima rata-rata pengunjung menyambut baik dan meminta PKJM ini dilaksanakan secara berkala dan mengakui bahawa harga yang ditawarkan dapat meringankan bebanan kos pembelian barangan keperluan harian dalam situasi hari ini," katanya.

Beliau mengingatkan semua peniaga PKJM supaya sentiasa beretika, mematuhi peraturan dan undang-undang yang ditetapkan kerajaan.

Animal shelters in dire need of funds from the public

By STEPHANIE LEE
stephanielee@thestar.com.my

KOTA KINABALU: The lives of hundreds of rescued cats and dogs are at stake as the public-funded shelter homes they are living in around the city face financial difficulty.

The operators of Shelter of Hope Penampang and the Society for the Prevention of Cruelty to Animals (SPCA) Kota Kinabalu have made an urgent appeal for donors to come forward and assist.

"SPCA Kota Kinabalu has only RM60,000 left in our bank account, which can only cover our next month's expenses," said SPCA Kota Kinabalu operator Temmy Chang in a Facebook post.

He said the possibility of being forced to shut down was high if no one was willing to help, thus posing another serious problem as to where the 66 cats and 240 dogs under its care would go.

He explained that out of almost RM60,000, the largest chunk (RM25,000) of its budget goes to medical expenses while other costs include animal food, utilities and employee salaries.

Chang said although finances had always been tough, it still tried its best to source for funding and continued with its rescue work.

"The number of cases we continue to help has increased. We are



Waiting patiently:
Workers cooking for the cats and dogs in Shelter of Hope Penampang.

still taking critical cases, even when our resources are almost gone.

"We are responding first and banking on your generosity to pull us through again. Please share this appeal as widely as possible," he added in his FB post.

SPCA receives about 300 calls per

month for help and they often involve animals that are abandoned, abused, ill, victims of hit-and-runs, or those in dangerous situations.

In 2021, SPCA Kota Kinabalu spent more than RM300,000 of donated funds on animal neutering

and treatment, with 1,530 cats and dogs successfully sterilised.

Chang urged pet owners to help the situation of overbreeding by neutering their pets and encouraged animal adoption instead of buying.

He said the shelter was not able

to take in more pets due to space and financial constraints.

"We don't enjoy making this appeal, but we have no choice. Help us stay open," he added.

Those who wish to help can either send food supplies to SPCA Kota Kinabalu or make online transfers via the Maybank account 510198677767, under the name Persatuan Mencegah Kezaliman Terhadap Haiwan (SPCA Kota Kinabalu).

Meanwhile, Shelter of Hope Penampang operator Adrienne Godfrey Johniu, who cares for 83 cats and 68 dogs, said its food supply and savings for other expenses were critically low.

"For every rescued cat and dog we have, we make sure they are vaccinated and neutered accordingly," she said, adding they wouldn't have lasted this long without public donations.

She said the cats and dogs that come in ill or with any skin diseases would be nurtured back to health before they are put up for adoption.

Adrienne works with local vets who are willing to rescue first, before asking for payment.

She said there were still backlog vet fees that she is unable to settle on her own, and was depending on public donations.

Anyone willing to lend a helping hand can visit Shelter of Hope Penampang's Facebook page.

Angkasa kerjasama ternak biri-biri

TEMERLOH – Angkatan Koperasi Kebangsaan Malaysia (Angkasa) akan bekerjasama dengan Biovet International Sdn. Bhd. (Biovet) sebagai rakan kongsi strategik dalam industri ternakan biri-biri di negara ini.

Presiden Angkasa, Datuk Seri Abdul Fattah Abdullah berkata, langkah itu signifikan memandangkan permintaan daging kambing segar terlalu tinggi sedangkan negara masih bergantung kepada sumber import produk makanan yang mencecah sehingga RM55.5 bilion.

"Pada peringkat awal, tiga buah koperasi akan bersama Biovet dalam usaha menambah produk ini di pasaran sekali gus membantu kerajaan kurangkan kos import produk ternakan.

"Ini salah satu usaha bagi tingkatkan pengeluaran produk tempatan dan kurangkan bekalan import," katanya pada Majlis Penyerahan Ternakan Biovet di Ibu Pejabat Biovet, Kampung Baru Kuala Tekal di sini semalam.

Menurut Fattah, koperasi yang



ABDUL FATTAH (kanan) bersama Syed Naufal (dua dari kanan) melihat kambing biri-biri yang diternak oleh Biovet di Kampung Baru Kuala Tekal, Temerloh semalam.

terlibat ialah Koperasi Bimbingan Ihsan Temerloh Berhad, Koperasi Guru-Guru Lepas Maktab Temerloh Berhad dan Koperasi Keluarga Haji Moha llyas.

Ujar beliau, ia adalah projek pertama Angkasa bersama Bio-

vet dan pihaknya akan terus meneliti serta mengkaji cadangan sebagai rakan kongsi strategik untuk projek ternakan lain.

Ujarnya, projek ini bakal membuka ruang perniagaan kepada prospek yang lebih besar.

TARIKH	MEDIA	RUANGAN	MUKA SURAT
28.2.2022	KOSMO	NEGARA!	16

KPDNHEP siasat telur, ayam kurang di Kota Tinggi

JOHOR BAHRU – Kementerian Perdagangan Dalam Negeri dan Hal Ehwal Pengguna (KPDNHEP) akan menyiasat aduan orang ramai berhubung isu kekurangan bekalan telur dan ayam di Kota Tinggi baru-baru ini.

Timbalan Ketua Setiausaha (Pendayaupayaan Pengguna) KPDNHEP, Datin Roszanina Wahab berkata, siasatan akan dibuat khususnya bagi mengenal pasti punca masalah kekurangan bekalan itu berlaku.

“Berdasarkan rekod, setakat ini tiada masalah melibatkan bekalan telur dan ayam di Johor sehingga Jun ini dimana bekalannya cukup dan terjamin, namun begitu kita akan lakukan siasatan terhadap aduan kekurangannya bekalan termasuk pemeriksaan harga,” katanya.

Beliau berkata demikian kepada pemberita selepas me-

lakukan tinjauan Program Jualan Keluarga Malaysia Parlimen Johor Bahru di Pangsapuri Desa Dato' Hajah Hasnah, Kampung Tok Siak di sini semalam.

Turut hadir, Pengarah KPDNHEP Johor, Mohd. Hairul Anuar Bohro.

Sementara itu, berhubung program berkenaan, Roszanina memberitahu, ia dilaksanakan di 126 lokasi seluruh Johor dalam usaha membantu rakyat mengurangkan kos sara hidup ekoran kenaikan harga barang keperluan harian baru-baru ini.

“Program ini telah berjaya menarik kehadiran seramai lebih 150,000 orang dengan jumlah jualan mencecah RM2.3 juta bagi negeri Johor sahaja.

“Rata-rata pengunjung menyambut baik dan meminta program ini dilaksanakan secara berkala kerana harga yang ditawarkan adalah berpatutan dan dapat meringankan beban kos pembelian,” ujarnya.

TARIKH	MEDIA	RUANGAN	MUKA SURAT
28.2.2022	SINAR HARIAN	MAHKAMAH & JENAYAH	14

Polis siasat dakwaan 20 anjing liar mati diracun di Tasik Cermin

IPOH - Polis sedang menjalankan siasatan kes dakwaan kematian kira-kira 20 ekor anjing liar dipercayai diracun di kawasan Tasik Cermin di sini pada Sabtu.

Ketua Polis Daerah Ipoh, Asisten Komisioner Yahaya Hassan berkata, pihaknya menerima laporan daripada seorang warga emas berusia 60 tahun di Balai Polis Kampung Rapat di sini kira-kira jam 3.38 petang Sabtu.

“Pengadu lelaki itu mendakwa dia selalu memberi makan kepada anjing-anjing itu dan mendapat maklumat

akan kematian haiwan berkenaan.

“Dia kemudian membuat laporan kerana tidak berpuas hati terhadap pihak berkuasa tempatan yang dikatakan menanam bangkai anjing tersebut tanpa merujuk Jabatan Veterinar,” katanya pada Ahad.

Beliau berkata, kes juga telah dirujuk kepada Majlis Bandaraya Ipoh (MBI) bagi siasatan lanjut.

Sejak Sabtu, tular gambar menunjukkan beberapa ekor anjing mati berhampiran Tasik Cermin yang dipercayai diracun. - *Bernama*